

განმარტებითი ბარათი

საქართველოს პარლამენტის დადგენილებაზე "საქართველოს პარლამენტის წევრის ამომრჩევლებთან ურთიერთობის გაუმჯობესების ღონისძიებათა შესახებ" საქართველოს პარლამენტის 2006 წლის 2 მარტის N2714-ის დადგენილებაში ცვლილებების შეტანის თაობაზე

ა) ზოგადი ინფორმაცია დადგენილების პროექტის შესახებ:

ა.ა) დადგენილების მიღების მიზეზი:

დადგენილების ინიცირების მიზეზს წარმოადგენს საქართველოს პარლამენტის მაჟორიტარი წევრების მიერ სადეპუტატო ფუნქციების შესრულებისათვის ხელშეწყობა და დადგენილების კანონმდებლობასთან შესაბამისობაში მოყვანა.

ა.ბ) დადგენილების პროექტის მიზანი:

მაჟორიტარი პარლამენტის წევრის ბიუროს მატერიალურ-ტექნიკური უზრუნველყოფა.

ა.გ) პროექტის ძირითადი არსი:

მაჟორიტარი პარლამენტარების მიერ მათი ფუნქციების განსახორციელებლად და შესაბამისი ბიუროს მატერიალურ-ტექნიკური უზრუნველყოფისათვის თანხების გამოყოფა ყოველთვიურად: თვითმმართველ ქალაქებში არჩეულ მაჟორიტარ დეპუტატებზე (თბილისი, ბათუმი, ქუთაისი, რუსთავი, ფოთი) – 1400 ლარი, დანარჩენ მაჟორიტარებზე – 1070 ლარი.

ბ) პროექტის ფინანსური დასაბუთება.

ბ.ა) პროექტის მიღებასთან დაკავშირებით აუცილებელი ხარჯების დაფინანსების წყარო:

აღნიშნული პროექტის მიღება საჭიროებს პარლამენტის ბიუჯეტიდან დამატებით ასიგნებების გამოყოფას 339480 ლარის ოდენობით.

ბ.ბ) პროექტის გავლენა ბიუჯეტის საშემოსავლო ნაწილზე:

პროექტი არ ახდენს ზეგავლენას ბიუჯეტის საშემოსავლო ნაწილზე.

ბ.გ) პროექტის გავლენა ბიუჯეტის ხარჯვით ნაწილზე:

პროექტი არ ახდენს გავლენას ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულებები:

სახელმწიფო არ იღებს ახალ ფინანსურ ვალდებულებებს, რადგანაც აღნიშნული სახის სახსრები უკვე გათვალისწინებულია პარლამენტის ბიუჯეტში.

ბ.ე) პროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება: იმ პირებს, რომელთა მიმართაც ვრცელდება დადგენილების პროექტის ფინანსური მოქმედება, გაეზრდებათ შრომის ანაზღაურება.

ბ.ვ) პროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი): დადგენილების პროექტით არ განისაზღვრება გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი):

გ) პროექტის მიმართება საერთაშორისო სამართლებრივ სტანდარტებთან:

გ.ა) პროექტის მიმართება ევროკავშირის დირექტივებთან:

დადგენილების პროექტი არ ეწინააღმდეგება ევროკავშირის დირექტივებს.

გ.ბ) პროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:

დადგენილების პროექტი არ ეწინააღმდეგება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს.

გ.გ) პროექტის მიმართება საქართველოს ორმხრივ და მრავალმხრივ ხელშეკრულებებთან:

დადგენილების პროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებს.

დ) პროექტის მომზადების პროცესში მიღებული კონსულტაციები:

დ.ა) პროექტის მომზადებისას გაიმართა კონსულტაციები მაჟორიტარ დეპუტატებთან.

დ.ბ) პროექტის შემუშავებაში მონაწილე ორგანიზაციის (დაწესებულების) ან/და ექსპერტების შეფასება პროექტის მიმართ ასეთის არსებობის შემთხვევაში:

–

დ.გ) დადგენილების პროექტის ავტორი:

პროექტის ავტორები არიან პარლამენტის წევრები მიხეილ მაჭავარიანი და ზურაბ ბუცხრიკიძე.

დ.დ) დადგენილების პროექტის ინიციატორი:

პარლამენტის I ვიცე-სპიკერი მიხეილ მაჭავარიანი.

საქართველოს პარლამენტის წევრის ამომრჩევლებთან
 ურთიერთობის გაუმჯობესებისათვის საჭირო
 თანხა 2008 წლის სექტემბერ-დეკემბერში

	მაჟორიტარ პარლამენტართა რაოდენობა	ბიუჯეტიდან ერთ საარჩევნო ოლქზე ყოველთვიურად გამოყოფილი თანხა, ლარი	ბიუჯეტიდან ოთხი თვის მანძილზე გამოყოფილი თანხა, ლარი-სულ
მაჟორიტარი პარლამენტარები, - სულ	75	X	339480
აქედან:			
თვითმმართველ ქალაქებში არჩეული მაჟორიტარი პარლამენტარები	14	1400	78400
დანარჩენი მაჟორიტარი პარლამენტარები	61	1070	261080